

confusas turbas gurgite paludis submersus est, ita ut nec cadaver ejus potuerit inveniri, (102) filiusque ejus bello extinctus est, anno imperii secundo. Scythæ verò cum plurimis spoliis, & captivis reversi sunt, desertam dimittentibus Philippopolim civitatem Macedonia. Hujus temporibus Valens Licinianus Imperator effectus illico occiditur.

GALLUS.

Mox (103) exercitus Imperatores creavit Virium Gallum, & filium Galli Volusianum. Horum temporibus Hostilianus Perenna à Senatu Imperator creatus, nec multum post pestilentia consumptus est. Sub his etiam Æmilianus in Mæcia Imperator effectus est. Contra quem Imperatores ambo profecti, apud Interaminam bellum civile molientes, ab exercitu suo caduntur, anno ætatis patris septimo circiter & quadragesimo, imperii anno secundo, creati in insula Meninge, quæ nunc Girba dicitur. Ipsi nihil omnino clarum gesserunt, solâ pestilentia, & morbis, atque egritudinibus (104) noti, quod nulla ferè provincia Romana, nulla civitas, nulla domus fuit, quæ non illâ generali pestilentia correpta, atque vastata sit.

ÆMILIANUS.

Æmilianus (105) verò Maurus genere, obscurissimè natus, obscurius imperavit. Siquidem avarus fuit, ac quarto mense damnatus apud Spoletium, sive pontem, quem ab ejus cæde Sanguinarium accepisse nomen ferunt, inter Otriculum, Narniamque, Spoletium, & Urbem Romam regione media positum, extinguitur anno vitæ quadragesimo septimo.

VALERIANUS.

Anno (106) ab Urbe condita M^o VIII. Licinius Valerianus cognomento Colobius, tricesimus ab Augusto in Rhetia, & Norico agens ab exercitu Imperator, & mox Augustus est factus. Gallienus quoque filius ejus Romæ à Senatu Cæsar est appellatus. (107) Is parentibus est ortus splendidissimis, stolidus tamen, & multum iners, neque ad usum aliquem publici negotii consilio, seu gestis accommodatus. Hic Cornelium Valerianum Gallieni filii sui filium Cæsarem fecit. Sub his etiam Germani Ravennam, usque pervenerunt. His imperantibus Regillianus in Mæcia, Cassius Labienus Postumus in Gallia Gallieni filio interfecto Imperatores effecti sunt. Pari modo Lolianus (108) apud Moguntiacum, in Ægypto Æmilianus, apud Macedonas Valens, Mediolani Aureolus invaserunt. Tunc Gotbi rursus Istrum transientes, Thessalonicam urbem Illyrici vastaverunt, & prædis onustati ad propria remearunt. Tunc, & Heruli quingentis navibus per Meotidas paludes ad pontum navigantes. Byzantium, & Chrysopolim ceperunt. Valerianus igitur in Mesopotamia bellum gerens à Sapore Perfarum rege superatus est: mox etiam captus, apud Parthos ignobili servitute confenuit. Nam, quando vixit, rex ejusdem provinciæ, incurvato eo pedem cervicibus imponens, equum conscendere solitus erat. Hic mox, ut arripuit

Tom. I.

- (102) A. inveniri: digno damnatus judicio, qui persecutionem in Christianos movens inter ceteros beatiss. Laurentium Leontam, & martyrem extinxit.
 (103) A. mox Imp. creati sunt Gallus Hostilianus, & Gallus filius Volusianus sub his Æmilianus in Mæcia res novas molitus est, ad quem opprimendum, cum ambo profecti essent. Interaminæ interfecit sunt non completo biennio. Nihil &c.
 (104) A. notus eorum principatus fuit.
 (105) A. Æmilianus obscurissime natus, obscurius imperavit: Siquidem Maurus fuerat, ac tertio mense extinctus est.
 (106) A. Hinc Licinius Valerianus in Rhetia &c.
 (107) A. appellatus. Hæc imperium Rom. nomini perni-

A imperium octavus à Nerone adigi per tormenta Christianos ad idololatriam, abnegantesque interfecit jussit, fuso per omnem Romani regni latitudinem. Sanctorum sanguine.

GALIENUS.

Galienus igitur filius ejus in loco Cornelii filii sui Salonianum alterum filium subrogavit, amori diverso pellicum deditus, Salonina conjugis, & concubinae, quam per passionem concessa parte superioris Pannoniæ, à patre Marcomannorum rege matrimonii specie susceperat, Pipam (109) nomine. Interea Galienus, cum adolescens factus esset Augustus, imperium (110) feliciter, mox commode, ad ultimum perniciosè gessit. Nam juvenis in Gallia, & in Illyrico multa strenuè fecit: occiso apud Murfam Ingenuo, qui purpuram sumpserat, Regilliano, (111) diu placidus, & quietus, mox in omnem lasciviam diffusolus, tenendæ Reip. habenas probrosâ ignaviâ, & desperatione laxavit. Alemanni vastatis Galliis Italiam penetraverunt. Dacia, quæ à Traiano ultra Danubium fuerat adjecta, tum amissa est. Græcia, Macedonia, Pontus, Asia vastata per Gothos: Pannonia à Sarmatis, Quadiisque depopulata est. Germani, usque ad Hispanias penetraverunt. Parthi, Mesopotamiâ occupatâ, Syriam sibi cœperunt vindicare. Jam desperatis rebus, & deleto (112) penè Imperio Romano. Postumus in Gallia obscurissimè natus, purpuram sumpsit, & per annos decem ita imperavit, ut consumptas penè provincias ingenti virtute, & moderatione reparaverit. Qui seditione militum interfectus est, quod Moguntiacum, quæ adversus eum rebelaverat cum Loliano res novas moliente, diripiendam militibus tradere noluisse. Post eum Marius vilissimus opifex purpuram accepit, & secundo die interfectus est. Victorinus postea Galliarum accepit imperium, vir strenuissimus. Sed cum libidinis nimia esset, & matrimonia aliena corrumpere, Agrippinæ occisus est, actuario (113) quodam dolum machinante, imperii sui anno secundo. Huic successit Tetricus Senator, qui Aquitaniam honore præsidis administrans, absens à militibus Imperator electus est, & apud Burdegalam purpuram sumpsit, seditiones multas militum pertulit. Sed dum hæc in Gallia geruntur, in Oriente per Odenatum (114) Persæ victi sunt, defensâ Syriâ, receptâ Mesopotamiâ, usque ad Ctesiphontem Odenatus penetravit. Igitur Gallieno Remp. deserente, Romanum Imperium in Occidente per Postumum, per Odenatum in Oriente servatum est. Gallienus interea (115) adversus Aureolum profectus est, quem cum apud pontem, qui ex ejus nomine Aureolus appellatur, obtentum, detrusumque Mediolanum obsedisset, ejusdem Aureoli ducis sui commento, unâ cum Valeriano fratre à suis occiditur. Regnavit annis quindecim, sex cum patre, novem solus. Vixit annos quinquaginta.

CLAUDIUS.

Anno ab Urbe condita MXXIV. Claudius ab

I 2

Au-

ciolum, & penè exitiale fuit, itaut, vel infelicitate principum, vel ignaviâ, Germani Ravennam usque venirent. Valerianus &c.

- (108) Victor Elianus.
 (109) Pollio. Piparam.
 (110) A. imp. primùm feliciter &c.
 (111) A. & Trebelliano diu &c.
 (112) A. deleto postmodum penè Imp. &c.
 (113) A. Ocloario.
 (114) A. Odenacum semper vocat.
 (115) A. interea fraude Aureoli ducis sui, Mediolani cum fratre Valeriano occisus est. Imperii anno IX.